



3.2. ABIAPUNTUKO EGOERAREN AZTERKETAREN ONDORIOAK

A) LORPENAK ETA HOBETZEKO ALOR NAGUSIAK

Hurrengo taulak egindako abiapuntuko egoeraren azterketaren ondorio nagusiak jasotzen ditu. Bertan, Euskadin adikzioen alorrean izandako lorpen eta hobekuntzarako alor nagusiak jasotzen dira.

	ALDERDI POSITIBOAK ETA LORPENAK	ARRISKUAK ETA HOBEKUNTZARAKO ALORRAK
Eskariaren eta kontsumoaren bilakaerari dagokionez	<ul style="list-style-type: none"> Substantzia guztien kontsumoaren bilakaera positiboa eta jaitsiera orokorra. Drogen kontsumoarekin erlazionatutako ondorioen eta arriskuen aurreko gizarte kontzientziazio handiagoa, orokorrean. Aurrerapen garrantzitsuak tabakismoaren murrizketan eta normaltzat ez hartzean. Jokoan egindako gastuaren murrizketa (online plataformei buruzko daturik ez dugun arren). 	<ul style="list-style-type: none"> Europako kontsumo altuenetakoak. Gizarte tolerantzia maila kezkarria alkoholaren aurrean. Kezkarria da gazteek asteburuan alkohola era intentsiboan kontsumitzea. Kalamuaren kontsumoari lotutako arriskuen "kaltegabatasuna" hautematea. Jokabide konpulsiboak eta mendekotasuna eragiten duten teknologia digitalekin erlazionatutako arazoak hazkundera. Psikofarmakoen kontsumoaren hazkundera Emakumeak ageriko bihurtu dira arriskuan dagoen kolektibo gisa
Eskaintzaren bilakaerari dagokionez	<ul style="list-style-type: none"> Lorpen handiak azken urteetan eskaintzaren murrizketan eta kontrolean, legezko substantzietan zein legez kanpokoetan. Eskaintzaren alderdian Adikzioen eta Droga Mendekotasunen Arreta Integralari buruzko 1/2016 legeak murriztapen handiagoak eskatzen ditu Emaitza positiboak alkohol kontsumoari eta gidaritzari dagokionez. 	<ul style="list-style-type: none"> Substantzia eskaintza handia egotea eta horiek eskuratzeko nolabaiteko erraztasuna. Substantzien gero eta toxikotasun handiagoa eta berrikuntzarako eta merkatura substantzia psikoaktibo berriak heltzeko azkartasuna. Substantziak eta jokoak eskuratzeko erraztasuna are eta gehiago errazten duten kanal berrien ondoriozko larrialdia.
Dagoen erakunde esparruari eta baliabide sareari dagokionez	<ul style="list-style-type: none"> Ibilbide luzea Euskadin adikzioak lantzeko orduan, erreferentziatzeko baliabideen oso egitura anitzarekin eta osoarekin. Baliabide sarearen egonkortasuna. Sareko lana, orokorrean toki mailan eraginkor gisa hartua, gazteekin eta adingabeekin batez ere. Adikzioak osasunaren ikuspegitik aztertzea. Esparru arauemailea erkidegoan, estatuan eta Europan sakon garatu eta lerrokatu da eta 2016an indarrean jarri zen Adikzioen eta Droga Mendekotasunen Arreta Integralari buruzko lege berria. 	<ul style="list-style-type: none"> Lidergoia instituzionala sustatzea eta adikzioen integrazio handiagoa lortzea osasun publikoaren politiken baitan Koordinazioa hobetzea adikzioen arloan parte hartu eta lan egiten duten eragileen artean "Gabezia" batzuk eta koordinazio falta egungo baliabideen sarean, horrek disfunczioak eragiten baititu. Baliabideen sarea ez dago behar bezain egokituta sortzen ari diren arazo berrietara Jarduketarako ibilbide/protokolo adostuak hobetze Programen jarraipena eta ebaluazioa hobeto sistematizatzea Ikerketara eta ezagutzaren hedapenera bideratutako esfortzuen murrizketa. Osakidetza eta lan-arriskuen prebentzio zerbitzuen arteko koordinazioa, adikzioen arazoak dituzten pertsonak lanpostura bueltatu daitezkeen erraztasunak eman ahal izateko.

B) ETORKIZUNeko ERRONKAK

Ondoren, adikzioen alorrean Euskadik etorkizunari begira dituen erronka nagusiak jasotzen dira. Abiapuntuko egoeraren azterketan oinarrituz identifikatu dira.

LIDERGOARI ETA KOORDINAZIOARI DAGOKIENEZ

- **Erakundeen lidergoa** indartzea adikzioen alorrean, politikak integratuz eta ekimenak **osasun alorreko ikuspegi integralagotik** landuz **politika guztietan**.
- **Sektoreen arteko koordinazioa hobetzea eta sareko lana sustatzea**.
- Indarrean dagoen **araudiaren** eta Adikzioen eta Droga Mendekotasunen Arreta Integralari buruzko legearen aplikazio **eraginkor eta koherentea** lortzea
- Martxan jarritako ekimenen **ebaluazio eta jarraipen sistematika** indartzea, ebidentzian oinarritutako programen garapenerantz aurrera eginez eta sortzen ari diren ikuspegi eta joera berriei dagokienez abangoardian egonez.

PROGRAMEI ETA JARDUKETEI DAGOKIENEZ

- **Esfortzuak, prebentziora eta kontsumo arduratsurako eta bizitzeko ohitura osasungarriarako hezkuntzara bideratzea**, pertsona kontsumitzaileak ahalduz eta arduratsu egiten dituen diskurtsoa azpimarratuz eta kolektibo urrakorrenen babesa zainduz.
- **Gizartean sustraituago dauden substantzien eta jokaeren normalizazio eza** bultzatzea, tabakoa eta alkohola, batez ere, baina baita kalamua eta jokia ere, beste batzuen artean.
- **Kolektibo urrakorrenak babestea:**
 - **Gazteak eta adingabeak.** Erabakiak hartzeko gaitasunak eta balioak izan ditzaten beharrezkoak diren informazioa eta tresnak eskainiz, bizitzeko ohitura osasungarriak bultzatzeko xedez, kontsumoak ahalik eta beranduen hel daitezela ahaleginduz.
 - **Emakumeak.** Genero ikuspegia sartzea, beharrezkoa denean jarduketa bereziak garatuz.
 - **Gizartean baztertuta geratzeko arriskuan dauden pertsonak.** Baliabideetarako sarbidea erraztuz eta bergizarteratzerako aukerak eskainiz.
- **Baliabideen eta programen sarea errealitate, kolektibo eta ingurune berrietara egokitzea**, sortzen ari diren arazoei erantzunak emanez:
 - Kontsumoaren eta adikzioen profilen **konplexutasun eta espezializazio** handiagoari heltzea, patologia mentalei lotutako zailtasunengatiko kezka bereziarekin.
 - **Substantziarik gabeko adikzio** eta adikzio-jokabide berriekiko arreta txertatzea, gurasoen, irakasleen eta gazteen hezkuntza eta sentsibilizazioa indartuz.
 - **Osasunaren sustapenerako eta prebentziorako jarduketak beste ingurune batzuetara zabaltzea:** lana, kirola eta aisiarako guneak (lonjak, jaiak...), etab.

3. kapituluua plana lantzeko oinarria egindako elkarrizketak izan dira, baita eskura dauden azken txosten eta estatistikak ere: «Euskadi eta Drogak 2012», «Drogak eta Eskola 2013», «EAEOI 2013», «Osasun Publikoa eta Adikzioak 2013 eta 2014» txostena, «2015eko Drogei buruzko Europako Txostena», «Toxikomanoei buruzko informazio-sistema - SEIT 2013», Drogomedia.com eta SIIS